

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

**Zaključak o odbacivanju Prijave koncentracije
privrednog subjekta DUNDEE PRECIOUS METALS INC, Canada**

**Sarajevo
August, 2025. godine**



Broj: UP – 04-26-1-017-9/25
Sarajevo, 04.08.2025. godine

Konkurencijsko vijeće Bosne i Hercegovine, na osnovu člana 25. stav (1) tačka e), člana 42. stav (2), a u vezi sa članom 14. stav (1) Zakona o konkurenciji („Službeni glasnik BiH“, br. 48/05, 76/07 i 80/09), a rješavajući po Prijavi koncentracije privrednog subjekta DUNDEE PRECIOUS METALS INC., 150 King Street West, Suite 902, PO Box 30, Toronto, ON M5H 1J9, Canada, zastupan putem Advokatskog ortačkog društva iz Banja Luka Dimitrijević i partneri, ul. Sime Šolaje 1, 78 000 Banja Luka, zaprimljenoj dana 26.06.2025. godine pod brojem: UP – 04-26-1-017-1/25 na 32. (tridesetdrugoj) sjednici održanoj dana 04.08.2025. godine, donijelo je

Z A K L J U Č A K

1. Odbacuje se Prijava koncentracije privrednog subjekta DUNDEE PRECIOUS METALS INC., 150 King Street West, Suite 902, PO Box 30, Toronto, ON M5H 1J9, Canada, radi nepostojanja obaveze prijave koncentracije u smislu člana 14. stav (1) Zakona o konkurenciji.
2. Obavezuje se privredni subjekt DUNDEE PRECIOUS METALS INC., 150 King Street West, Suite 902, PO Box 30, Toronto, ON M5H 1J9, Canada da uplati administrativnu taksu u iznosu od 1.000,00 KM (hiljadu konvertibilnih maraka) u korist Budžeta institucija Bosne i Hercegovine.
3. Ovaj Zaključak bit će objavljen u «Službenom glasniku BiH», službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 26.06.2025. godine pod brojem: UP – 04-26-1-017-1/25 zaprimilo Prijavu koncentracije (u daljem tekstu: Prijava) privrednog subjekta DUNDEE PRECIOUS METALS INC., 150 King Street West, Suite 902, PO Box 30, Toronto, ON M5H 1J9, Canada (u daljem tekstu: DUNDEE PRECIOUS METALS ili Podnosilac prijave), zastupan putem Advokatskog ortačkog društva iz Banja Luka Dimitrijević i partneri, ul. Sime Šolaje 1, 78 000 Banja Luka, kojom isti namjerava da stekne kontrolu nad privrednim subjektom Adriatic Metals PLC, 4th Floor, 3 Hanover Square, London, W1S 1HD, Velika Britanija (u daljem tekstu: Adriatic Metals PLC ili Ciljano društvo) kupovinom cjelokupnog izdatog redovnog osnovnog kapitala i osnovnog kapitala koji će se izdati Ciljno društvo.

Podnosilac prijave je Prijavu samoinicijativno dopunio dana 30.06.2025. godine podneskom koji je zaprimljen pod brojem: UP – 04-26-1-017-2/25, a zatim i uputio i urgenciju za postupanje dana 15.07.2025. godine podneskom koji je zaprimljen pod brojem: UP – 04-26-1-017-3/25

Obzirom da je utvrđeno da Prijava nije bila potpuna zatražena je dopuna dana 21.07.2025. godine aktom broj: UP – 04-26-1-017-4/25.

Podnosilac prijave je Prijavu dopunio dana 30.07.2025. godine podneskom sa priložima koji je zaprimljen pod brojem: UP – 04-26-1-017-5/25 i brojem: UP – 04-26-1-017-6/25 dana 31.07.2025. godine (pojašnjenje - ispravka navoda iz Prijave zaprimljeno putem e-maila).

Po prijemu cjelokupne dokumentacije Konkurencijsko vijeće je utvrdilo da je Prijava kompletna, te izdalo Potvrdu o prijmu kompletne i uredne Prijave, u skladu sa članom 30. stav (3) Zakona, dana 04.08.2025. godine pod brojem: UP – 04-26-1-017-7/25.

Konkurencijsko vijeće je analizom Prijave utvrdilo slijedeće činjenice:

Prijava je podnesena, u smislu člana 16. stav (1) Zakona o konkurenciji, obzirom da je pravni osnov predmetne koncentracije, prema navodima iz Prijave, Pravilo 2.7 Objave i Ugovor o saradnji, oba zaključena dana 13. juna 2025. godine.

Podnosilac prijave je naveo da predmetnu koncentracije nema namjeru prijaviti organima nadležnim za konkurenciju van Bosne i Hercegovine.

1. Učesnici koncentracije

Učesnici koncentracije su privredni subjekti DUNDEE PRECIOUS METALS INC. 150 King Street West, Suite 902, PO Box 30, Toronto, ON M5H 1J9, Canada i Adriatic Metals PLC, 4th Floor, 3 Hanover Square, London, W1S 1HD, Velika Britanija.

1.1. Privredni subjekt DUNDEE PRECIOUS METALS INC, Canada

Privredni subjekt DUNDEE PRECIOUS METALS INC. 150 King Street West, Suite 902, PO Box 30, Toronto, ON M5H 1J9, Canada registrovan je pod brojem: 155243-1 sa vlasničkom strukturom čijim se dionicama javno trguje na berzi u Torontu („TSX“), pod oznakom „DPM“.

Zajedno sa svojim povezanim privrednim društvima (u daljem tekstu: Grupa Podnosioca prijave), Podnosilac prijave je proizvođač koncentrata koji sadrže zlato, srebro i bakar iz svojih rudnika u Bugarskoj. Konkretno, Grupa Podnosioca prijave ima 100% udjela u rudniku zlata i bakra Chelopech u Chelopeku, Bugarska, gdje proizvodi koncentrat zlata i bakra koji sadrži zlato, bakar i srebro i koncentrat pirita koji sadrži zlato. Također imaju 100% udjela u rudniku zlata Ada Tepe u Krumovgradu, Bugarska, gdje proizvodi koncentrat zlata, koji sadrži zlato i srebro.

Grupa Podnosioca prijave posjeduje projekte u fazi istraživanja u Republici Srbiji i Ekvadoru. U Srbiji Grupa Podnosioca prijave ima 100% udjela u projektu Čoka Rakita (i okolnim nekretninama), projektu zlata Timok i projektu Tulare dok u Ekvadoru Grupa Podnosioca prijave ima 100% udjela u projektu zlata Loma Larga.

Privredni subjekt DUNDEE PRECIOUS METALS ima povezane privredne subjekte u Republici Bugarskoj, i to: Dundee Precious Metals Chelopech EAD (100%), Dundee Precious Metals Krainovgrad EAD (100%), Resource Management Services OOD (100%), Private English Language Secondary School Chelopech EOOD (100%); kao i povezane privredne subjekte u Srbiji i to Crni Vrh Resources d.o.o. (100%), DPM Avala d.o.o. (100%) i Dunav Minerals d.o.o. (100%).

Glavni proizvodi Grupe Podnosioca prijave su (i) zlato-bakar koncentrat koji sadrži zlato, bakar i srebro, (ii) koncentrat zlata koji sadrži zlato i srebro i (iii) pirit koncentrat koji sadrži zlato.

Grupa Podnosioca prijave prodaje svoje koncentrate topionicama ili trgovačkim kompanijama (koje zauzvrat prodaju topionicama) u Bugarskoj, Kanadi, Kini, (..) ^{**1}, gdje se koncentri prerađuju u obnovljive metale.

Grupa Podnosioca prijave nema kupce u Bosni i Hercegovini.

1.1.1. Povezani privredni subjekti DUNDEE PRECIOUS METALS INC u Bosni i Hercegovini

Grupa Podnosioca prijave nema udjela u bilo kojem rudniku ili imovini u fazi istraživanja ili razvoja u Bosni i Hercegovini, niti jedna od kompanija unutar Grupe Podnosioca prijave direktno ili indirektno ne posjeduje dionice ili glasačka prava u bilo kojoj kompaniji registrovanoj u Bosni i Hercegovini.

1.2. Privredni subjekt Adriatic Metals PLC, Ciljano društvo

Privredni subjekat Adriatic Metals PLC, 4th Floor, 3 Hanover Square, London, W1S 1HD, Velika Britanija je dioničko društvo osnovano u Engleskoj i Velsu sa registrovanim brojem 10599833 i registrovano kao strano privredno društvo u Australiji pod brojem 624 103 162.

Vrsta poslovanja Adriatic Metals PLC prema Izvodu iz sudskog registra je 07290 - eksploatacija ruda drugih obojenih metala.

Proizvođač je plemenitih i obojenih metala sa sjedištem u Ujedinjenom Kraljevstvu, čije su dionice uvrštene na Londonsku berzu (u daljem tekstu: ADT1) i Australijsku berzu (u daljem tekstu: ADT).

Portfelj imovine Ciljnog društva sastoji se od vodećeg Projekta Vareš Silver, proizvodnog rudnika u Bosni i Hercegovini (koji je počeo sa proizvodnjom koncentrata metala u februaru 2024. godine) i istražne faze projekta Raška u Srbiji.

Vareš Silver Projekat proizvodi (i) koncentrat cinka, koji sadrži cink, srebro i zlato i (ii) koncentrat srebr-olova, koji sadrži srebro, olovo, zlato, bakar i, u vrlo malim količinama, antimon.

Ciljno društvo prodaje svoje koncentrate topionicama ili trgovačkim kompanijama (koje zauzvrat prodaju topionicama) u (..) ^{**} gdje se koncentri prerađuju da bi se metali izdvojili.

Ciljno društvo nema kupaca u Bosni i Hercegovini.

¹ podaci predstavljaju poslovnu tajnu

1.2.1. Povezani privredni subjekti Adriatic Metals PLC u Bosni i Hercegovini

Privredni subjekt Adriatic Metals Holdings BiH Limited (Engleska i Vels), osnovan 01. juna 2021. godine i registrovan pod brojem: 13430806, je u 100% vlasništvu Ciljanog društva.

Vrsta poslovanja Adriatic Metals Holdings BiH Limited prema Izvodu iz sudskog registra je 64209 – djelatnosti ostalih holding kompanija koje nisu klasifikovane na drugom mjestu.

Adriatic Metals Holdings BiH Limited u svom 100% vlasništvu ima privredni subjekt Adriatic Metals BH d.o.o., Društvo za istraživanje i eksploataciju rude, Tisovci bb, Vareš, registrovan na Općinskom sudu u Sarajevu pod brojem: 43-01-0404-13, operativnu kompaniju koja je 100% vlasnik rudnika Vareš i AM Projects d.o.o..

Pretežna registrovana djelatnost privrednog subjekta Adriatic Metals BH d.o.o. je prema šifri djelatnosti po KDBiH 2010 - 07.29 vađenje ostalih ruda obojenih metala.

Privredni subjekt AM Projects d.o.o., ul Zvijezda broj 37, Vareš je registrovan na Općinskom sudu u Sarajevu pod brojem: 43-01-0631-24.

Pretežna registrovana djelatnost privrednog subjekta AM Projects d.o.o. je prema šifri djelatnosti po KDBiH 2010 - 07.29 vađenje ostalih ruda obojenih metala.

Prema Rješenju o izmjeni podataka Općinskog suda u Zenici od 25.12.2024. godine u sudskom registaru kod subjekta Adriatic Metals Services d.o.o. upisana je promjena naziva i sjedišta društva pa je subjekt upisa nakon izvršenih promjena - AM Projects d.o.o..

2. Pravni okvir ocjene koncentracije

Konkurencijsko vijeće je u provođenju postupka ocjene dopuštenosti predmetne koncentracije primijenilo odredbe Zakona, Odluke o utvrđivanju relevantnog tržišta („Službeni glasnik BiH“, br. 18/06 i 34/10) i Odluke o načinu podnošenja prijave i kriterijima za ocjenu koncentracija privrednih subjekata („Službeni glasnik BiH, broj 34/10).

3. Pravni osnov koncentracije

Pravni osnov koncentracije je, prema navodima iz Prijave, Pravilo 2.7 Objave i Ugovora o saradnji, oba zaključena 13. juna 2025. godine.

Transakcija predviđa akviziciju Podnosioca prijave cjelokupnog izdatog redovnog osnovnog kapitala i redovnog osnovnog kapitala koji će biti izdat od strane Ciljnog društva. Međusobna prava i obaveze Podnosioca prijave i Ciljnog društva detaljno su regulisani Pravilom 2.7 Objave i Ugovora o saradnji, a Transakcija će biti realizovana pod uslovom dobijanja odobrenja ove koncentracije od strane Konkurencijskog vijeća.

Predmetna koncentracija će biti provedena u skladu sa uslovima predviđenim u Pravilu 2.7 Objave i Ugovora o saradnji koji propisuju objavu namjere Podnosioca prijave da učini ponudu za Ciljno društvo u

skladu sa Gradskim kodeksom Velike Britanije o preuzimanjima i spajanjima i uključuje detalje o uslovima Transakcije.

Ugovor o saradnji je sporazum između Podnosioca prijave i Ciljnog društva i uključuje određene obaveze obje strane u vezi sa sprovođenjem Transakcije (uključujući saradnju u vezi sa dobijanjem regulatornih odobrenja).

Prema uslovima Transakcije, dioničari Ciljnog društva imat će pravo da dobiju 0,1590 običnih dionica Podnosioca prijave (svaka cijela dionica "DPM dionica") i 93 penija u gotovini za svaku običnu dionicu Adriatica (svaka "Dionica Adriatica"), podložno "ugovoru o kombinovanom kreditnom aranžmanu" pri čemu će dioničari Adriatic-a moći da izaberu, podložno izborima za kompenzaciju, da mijenjaju proporcije u kojima primaju gotovinu i DPM dionice u odnosu na njihove udjele u Adriatic-u.

Prema uslovima Transakcije, vrijednost svake dionice Adriatic-a je £ 2.68 (i svakog CHES depozitarnog interesa (u daljem tekstu: "CDI") Adriatic-a je AUD \$ 5.56), a vrijednost ukupnog izdatog osnovnog kapitala Adriatic-a na oko US \$ 1.3 milijarde, na osnovu završne cijene od 20,33 kanadskih dolara po DPM dionici i kursa funte prema kanadskom dolaru od 1:1,85 na dan 11. juna 2025. godine.

Predviđeno je da se Transakcija sprovede putem šeme restrukturiranja odobrene od strane Visokog suda pravde u Engleskoj i Velsu, u skladu sa Dijelom 26 Zakona o privrednim društvima Velike Britanije iz 2006. godine (u daljem tekstu: "Šema").

Transakcija će biti uslovima navedenim u Pravilu 2.7 Objave (i potpunim uslovima koji će biti navedeni u Šemi dokumenta (kao što je definisano u Pravilu 2.7 Objava), uključujući, između ostalog: (i) odobrenje potrebne većine (75% u vrijednosti i u većini u broju) dioničara Šeme na sastanku suda i potrebne većine (75% je većina) dioničara Adriatic-a na skupštini koju je sazvalo Ciljno društvo; (ii) Sud Engleske i Velsa (u daljem tekstu: "Sud") je odobrio Šemu; (iii) dioničari Podnosioca prijave odobravaju Transakciju prostom većinom glasova; (iv) dobijanje odobrenja za uvrštenje DPM dionica na TSX, koje će biti izdate kao dio nadoknade; (v) prijem bezuslovnog odobrenja Transakcije od strane Konkurencijskog vijeća od strane Podnosioca prijave i (vi) da Transakcija stupi na snagu najkasnije do Krajnjeg roka (Long Stop Date).

Šema dokumenta koji sadrži dodatne detalje o Transakciji je objavljena i predstavlja javni dokument za dioničare Ciljanog društva, kako bi bili informisani i mogli glasati o predloženoj Šemi aranžmana. Šema (kao i Transakcija) će postati pravnosnažna danom upisa sudskog naloga u Registar privrednih društava za Englesku i Vels.

Neposredno nakon završetka Transakcije, očekuje se da će postojeći dioničari Podnosioca prijave imati u vlasništvu približno 75%, dok će bivši dioničari Adriatic-a imati približno 25% proširenog osnovnog kapitala Podnosioca prijave.

Po završetku Transakcije, Podnosilac prijave će postati vlasnik cjelokupnog izdatog i planiranog za izdavanje osnovnog dioničkog kapitala Ciljnog društva.

Pravni oblik koncentracije, prema navodima iz Prijave, predstavlja sticanje kontrole ili dominantnog utjecaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata i to sticanjem kupovinom većine dionica ili udjela osnovnog kapitala, u smislu člana 12. stav (1) tačka b) pod 1) Zakona.

4. Relevantno tržište

Osnovni proizvodi Grupe Podnosioca prijave su (i) koncentrat zlata i bakra koji sadrži zlato, bakar i srebro, (ii) koncentrat zlata koji sadrži zlato i srebro, i (iii) piritni koncentrat koji sadrži zlato. Kupci Grupe Podnosioca prijave nalaze se u Bugarskoj, Kanadi, Kini, (..)”.**.

Grupa Podnosioca prijave nema kupce u Bosni i Hercegovini.

Osnovni proizvodi Ciljnog društva su: (i) cinkov koncentrat, koji sadrži cink, srebro i zlato, i (ii) koncentrat srebra i olova, koji sadrži srebro, olovo, zlato, bakar i, u veoma malim količinama, antimon. Kupci Ciljanog društva nalaze se u (..)”.**.

Ciljno društvo nema kupce u Bosni i Hercegovini.

Koncentrati proizvedeni u rudnicima Učesnika koncentracije prodaju se — bilo direktno ili putem trgovaca — kompanijama koje se bave topljenjem i rafinacijom, gdje se koncentrati prerađuju u metale koji se mogu izdvojiti (zlato, bakar i srebro u koncentratima zlata i bakra; zlato i srebro u koncentratu zlata; zlato u piritnom koncentratu; cink, srebro i zlato u cinkovom koncentratu; i srebro, olovo, zlato, bakar i, u veoma malim količinama, antimon u koncentratu srebra i olova). Kupci Učesnika koncentracije plaćaju za dogovoreni procenat sadržanih metala, umanjen za odbitke koji uključuju troškove tretmana, troškove rafinacije i kaznene tarife za štetne elemente, kao što su arsen i živa.

Prema navodima iz Prijave relevantna tržišta proizvoda u vezi sa predmetnom koncentracijom jesu tržišta proizvodnje i snabdijevanja koncentratima koji sadrže (i) zlato, (ii) bakar, (iii) srebro, (iv) cink, (v) olovo i (vi) antimon.

Relevantno geografsko tržište predmetne koncentracije obuhvata teritoriju Bosne i Hercegovine, a u skladu sa praksom odlučivanja Evropske komisije, Podnosilac prijave navodi da treba da bude definisano kao globalno tržište, odnosno tržište sa globalnim obuhvatom.

Slijedom navedenog relevantna tržišta proizvoda/usluga predmetne koncentracije jesu tržišta proizvodnje i snabdijevanja koncentratima koji sadrže (i) zlato, (ii) bakar, (iii) srebro, (iv) cink, (v) olovo i (vi) antimon na području Bosne i Hercegovine.

4.1. Procjena tržišnih udjela učesnika koncentracije i glavnih konkurenata

U Prijavi se navodi da u rudarskoj industriji tržišni udio zasnovan na sadržanim metalima predstavlja standardnu i najuporediviju metodu. Proizvodnja, rezerve i resursi se obično prikazuju u smislu sadržanih metala, npr. u trojskim uncijama zlata i srebra, tonama bakra, cinka i olova, itd. Ova metoda eliminiše varijabilnost uzrokovanu različitim sadržajem koncentrata, metodama prerade i lokacijama rafinacije.

U prilogu Prijave dostavljene su Tabele koje prikazuju najnovije godišnje podatke o proizvodnji Učesnika koncentracije kao i njihove najnovije podatke o dokazanim i vjerovatnim rezervama. Takode su prikazani ukupni tržišni podaci koje su objavili SAD Geological Survey, S&P Global Capital IQ i Refinitiv, kao i tržišni udjeli Učesnika koncentracije nakon koncentracije u pogledu proizvodnje i rezervi u Bosni i Hercegovini i na globalnom nivou, zasnovani na ovim podacima.

Tabela 1.

Tržište proizvodnje 2024									
Ruda	Jedinica	Podnosilac prijave		Ciljano društvo		Ukupno Učesnici konc		Tržiše ukupno	
		BiH	Svijet	BiH	Svijet	BiH	Svijet	BiH	Svijet
		%	%	%	%	%	%		
Bakar	Tone	(..)**	(..)**	(..)**	(..)**	(..)**	(..)**	(..)**	23,000,000
Zlato	Tr. unca	(..)**	(..)**	(..)**	(..)**	(..)**	(..)**	(..)**	106,097,310
Srebro	Tr. unca	(..)**	(..)**	(..)**	(..)**	(..)**	(..)**	(..)**	803,767,500
Olovo	Tone	(..)**	(..)**	(..)**	(..)**	(..)**	(..)**	(..)**	4,300,000
Cink	Tone	(..)**	(..)**	(..)**	(..)**	(..)**	(..)**	(..)**	12,000,000
Antimon	Tone	(..)**	(..)**	(..)**	(..)**	(..)**	(..)**	(..)**	100,000

Izvor: Tabela u prilogu Prijave

U pojašnjenju priložene Tabele 1. Podnosilac prijave navodi da se (..)**% proizvodnje privrednog subjekta Adriatic ostvaruje u Bosni i Hercegovini te da na području Bosne i Hercegovine rade trenutno dva rudnika - Vareš i Gross koji ostvaruju (..)**% proizvodnje metala.

Tabela 2.

Tržište rezervi 2024									
Ruda	Jedinica	Podnosilac prijave		Ciljano društvo		Ukupno Učesnici konc		Tržiše ukupno	
		BiH	Svijet	BiH	Svijet	BiH	Svijet	BiH	Svijet
		%	%	%	%	%	%		
Bakar	Tone	(..)**	(..)**	(..)**	(..)**	(..)**	(..)**	(..)**	980,000,000
Zlato	Tr. unca	(..)**	(..)**	(..)**	(..)**	(..)**	(..)**	(..)**	2,057,644,800
Srebro	Tr. unca	(..)**	(..)**	(..)**	(..)**	(..)**	(..)**	(..)**	20,576,448,000
Olovo	Tone	(..)**	(..)**	(..)**	(..)**	(..)**	(..)**	(..)**	96,000,000
Cink	Tone	(..)**	(..)**	(..)**	(..)**	(..)**	(..)**	(..)**	230,000,000
Antimon	Tone	(..)**	(..)**	(..)**	(..)**	(..)**	(..)**	(..)**	2,000,000

Izvor: Tabela u prilogu Prijave

U pojašnjenju priložene Tabele 2. Podnosilac prijave navodi da se (..)**% rezervi privrednog subjekta Adriatic nalazi u Bosni i Hercegovini te da su na području Bosne i Hercegovine aktivna tri projekta bakra/cinka/zlata/srebra/olova/cinka : Sinjakovo, Čajniče (koji su prema javno dostupnim informacijama u vlasništvu privrednog subjekta Lykos Balkan Metals d.o.o. Bijeljina) i Foča u fazi istraživanja (prema javno dostupnim informacijama rudarska kompanija Leviathan Gold Ltd. je preuzela firmu Foča Metals Corp. (FMC), čime je stekla (..)**% udjela u 'Projektu Foča', istraživačkom području bogatom srebrom i baznim metalima u Republici Srpskoj) te dva operativna rudnika - Vareš i Gross. Gross d.o.o. Gradiška je u vlasništvu privrednog subjekta MINECO LIMITED, 5th Floor, Stephenson House, Cherry Orchard Road, Croydon, CR0 6BA, United Kingdom.

Prema navodima iz Prijave ne postoji konkurentsko preklapanje između Ciljnog društva (uključujući njegove podružnice) i Grupe Podnosioca prijave u pogledu proizvodnje ili isporuke bilo kojeg proizvoda ili usluge

u Bosni i Hercegovini ili u Bosnu i Hercegovinu. Kako je navedeno, Ciljno društvo prodaje 100% svoje proizvodnje izvan Bosne i Hercegovine, a Grupa Podnosioca prijave nema nikakav interes u bilo kakvom rudniku ili imovini u fazi istraživanja ili razvoja u Bosni i Hercegovini i nema prodaje u Bosni i Hercegovini ili u Bosnu i Hercegovinu. Kao rezultat toga, koncentracija neće rezultirati bilo kakvim povećanjem tržišnih udjela u pogledu proizvodnje ili snabdijevanja bilo kojim proizvodom ili uslugom na teritoriji Bosne i Hercegovine.

U pogledu proizvodnje proizvoda od koncentrata cinka u Bosni i Hercegovini (sadrže cink, srebro i zlato) i koncentrata cink - olovo (koji sadrži srebro, olovo, zlato, bakar i, u vrlo malim količinama, antimon), Ciljno društvo se takmiči sa privrednim subjektom Mineco Ltd., koji proizvodi proizvode od zinka i koncentrata olova iz njihovog Gross rudnika.

Kako je naprijed navedeno, Ciljno društvo prodaje 100% svojih proizvoda van Bosne i Hercegovine i u skladu s tim nema konkurenata na teritoriji Bosne i Hercegovine u pogledu prodaje svojih proizvoda, tačnije proizvoda od koncentrata cinka (sadrže cink, srebro i zlato) i koncentrata srebro - olovo (sadrže srebro, olovo, zlato, bakar i, u vrlo malim količinama, antimon).

Na svjetskom tržištu, jedino preklapanje Učesnika koncentracije u proizvodnji se odnosi na koncentrate koji sadrže bakar, zlato i srebro. Zajednički udio Učesnika koncentracije nakon transakcije na svjetskim tržištima za proizvodnju i snabdijevanje koncentrata koji sadrže bakar, zlato i srebro će biti (..)**%.

5. Ocjena prijave koncentracije

Ukupni godišnji prihodi privrednih subjekata učesnika koncentracije i povezanih društava, na dan 31. decembra 2024. godine:

Tabela 3.

Ukupan godišnji prihod 2024					
DUNDEE PRECIOUS METALS*		Adriatic Metals PLC	Adriatic Metals Holdings BiH Limited	Adriatic Metals BIH d.o.o.	AM projects d.o.o.
	KM	KM	KM	KM	KM
Svijet	(..)**	(..)**	(..)**	(..)**	(..)**
BiH	(..)**	(..)**	(..)**	(..)**	(..)**

*Grupa Podnosioca prijave

Izvor: Podaci iz Prijave i finansijskih izvještaja

Godišnji prihod učesnika koncentracije predstavlja ukupne prihode (bez poreza na dodanu vrijednost i drugih poreza koji se direktno odnose na učesnike koncentracije na tržištu Bosne i Hercegovine) u smislu člana 9. tačka h) Odluke o načinu podnošenja prijave i kriterijuma za ocjenu koncentracija privrednih subjekata.

Prema podacima iz Prijave (Tabela 3.) učesnici koncentracije nisu ispunili uslov ukupnog godišnjeg prihoda obzirom da Podnosilac prijave ni na koji način ne ostvaruje direktno niti indirektno prihode u Bosni i Hercegovini, u smislu člana 14. stav (1) tačka b) Zakona. Također, učesnici koncentracije nisu ispunili uslov iz člana 14. stav (1) tačka b) Zakona u pogledu tržišnog udjela imajući u vidu da Podnosilac prijave ni na koji način nije aktivan niti svojim poslovanjem ostvaruje tržišne udjele na relevantom tržištu proizvodnje i snabdijevanja koncentratima koji sadrže (i) zlato, (ii) bakar, (iii) srebro, (iv) cink, (v) olovo i (vi) antimon u Bosni i Hercegovini-

Na osnovu naprijed navedenog, utvrđeno je da Podnosilac prijave nije bio obavezan podnijeti prijavu koncentracije u smislu člana 14. Zakona, te je odlučeno kao u dispozitivu.

6. Administrativna taksa

Podnosilac prijave na ovaj Zaključak, u skladu sa članom 2. Tarifni broj 108. tačka c) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“, br. 30/06, 18/11 i 75/18) dužan je platiti administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.

7. Pouka o pravnom lijeku

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Zaključka.

Predsjednica

Ninela Salihbašić